

USPJEŠNA PRIČA

Kontinuirana EU podrška Upravi za indirektno/neizravno oporezivanje BiH

DELEGACIJA
EVROPSKE UNIJE
U BOSNI I HERCEGOVINI



ASYCUDA++, pokrenuta je u decembru 2015. Godine u BiH

Kontinuirana EU podrška omogućuje Upravi za indirektno/neizravno oporezivanje da prati savremene standarde


Uprava za indirektno/neizravno oporezivanje (UINO) je jedini organ u Bosni i Hercegovini odgovoran za provedbu zakonskih propisa i politike indirektnog oporezivanja i prikupljanje indirektnih poreza.

UINO nastoji ispuniti ambiciozne ciljeve u procesu integracije u EU, kao što su:

- ubrzanje protoka roba uz istovremeno pojačanje kontrole,

Uvođenje sistema ASYCUDA u Bosni i Hercegovini omogućilo je: podnošenje carinskih i tranzitnih prijava elektronskim putem, korištenje selektiviteta u uvoznim i izvoznim procedurama, elektronsko razduženje tranzitnih prijava, automatsko razduženje uplata carinskih dažbina, ažurne statističke podatke, ubrzanje procesa carinjenja, olakšice u kretanju roba.

- podizanje razine sigurnosti građana, te razvijanje suradnje s drugim domaćim i međunarodnim institucijama s ciljem harmonizacije procedura i usklađivanja zakonodavstva prema zahtjevima EU,
- bolja razmjena informacija s drugim institucijama i učinkovita borba protiv ilegalne trgovine i bilo kojeg oblika carinskih ili poreznih prijevара.



EU je finansirala uvođenje ASYCUDA-e sa grantom od 2 miliona eura

Kroz IPA fondove i prije 2007. godine putem drugih finansijskih instrumenata EU je finansirala više projekata koji su se pokazali vrlo uspješnim i poboljšali organizacijske kapacitete UINO uz pomoć primjene inostranih iskustava. EU pomaže UINO od samog osnutka 2004. godine kroz izradu svih potrebnih zakonski propisa putem programa Kancelarije za carinsku i poresku pomoć (CAFAO).

Uvođenje aplikacije ASYCUDA WORLD u BiH, koje je EU finansirala u iznosu od 2 miliona eura kroz program IPA 2010, bila je od posebne važnosti.

ASYCUDA (automatizirani sistem za obradu carinskih podataka) je kompjuterizirani carinski upravljački sistem. Sistem je razvila Konferencija Ujedinjenih naroda o trgovini i razvoju (UNCTAD) iz Ženeve na osnovu zahtjeva zemalja članica koje su željele obezbijediti odgovarajuće statističke podatke o uvozu/izvozu. Sistem se trenutno koristi u više od 90 zemalja i regija. ASYCUDA WORLD pokrenuta je u BiH u novembru 2015. godine, a postala je potpuno operativna u julu 2016. godine. Prilagođena je zahtjevima UINO te obezbjeđuje primjenu važećih carinskih procedura, carinske tarife i ostalih zakonskih odredbi neophodnih za provedbu odgovarajućih carinskih postupaka.

Direktor UINO, Miro Džakula naglašava važnost pojednostavljenje procesa carinjenja i povećanje transparentnosti.

„Uvođenje aplikacije prvenstveno je uticalo na smanjenje troškova održavanja servera u carinarnicama, olakšanje pružanja pravovremene korisničke podrške i omogućilo efikasnije upravljanje carinskim informacionim sistemom, a stvoreni su i preduslovi za provedbu propisa EU”, rekao je Džakula.

Igor Antunović, iz kompanije Interagent, tvrdi da je ASYCUDA značajno poboljšala svakodnevnu efikasnost kompanije.





Granični prijelaz Bijača

„Aplikacije ASYCUDA pojednostavila je procedure i znatno je efikasnija od prethodnog rješenja. Vrlo smo zadovoljni ubrzavanjem procedure carinjenja. Jedini manji problem je zagušenje glavnih servera koje se događa s vremena na vrijeme“, rekao je Antunović.

Podrška EU UINO je značajna i na području graničnih prijelaza. Oko 40 miliona eura izdvojeno je za izgradnju i poboljšanje deset graničnih prijelaza: Karakaj, Šamac, Klobuk, Zupci, Kamensko, Orašje, Gradina, Izačić, Rača and Bijača.

Twinning projekti EU također su se pokazali uspješnim u poboljšanju rada UINO. Dva završena Twinninga ukupne vrijednosti 4,3 miliona eura, među ostalim rezultatima omogućila su: pripremu strateških dokumenata za UINO, pomoć u izradi zakona carinskoj politici, zakona o PDV-u, uvođenje statusa „ovlašteni uvoznik“, nadogradnju IT sistema, obuku osoblja u raznim važnim područjima (uključujući prava intelektualnog vlasništva, ograničenja i zabrane, tranzitni sistem, itd), kao i omogućavanje elektroničkog podnošenja PDV prijava.

Trenutno je u toku treći twinning projekt koji je započeo u januaru 2017. godine, a usmjeren je na prilagođavanje zakonodavstva standardima EU.

Novi twinning projekt će pomoći UINO pri izradi nacarta zakona i podzakonskih akata u području indirektnog oporezivanja, posebno carine, poreza na dodanu vrijednost i trošarina, zajedno sa njihovom praktičnu primjenom koja je od posebne važnosti za put zemlje ka članstvu u EU.

Pred UINO i EU stoji još izazova i saradnje. Jedan od osnovnih preduslova za sprovođenje novih carinskih propisa je mogućavanje elektronskog potpisa. Nadležni organi u BiH tek trebaju osigurati punu implementaciju elektronskog potpisa, kao jedne od mjera navedenih u reformskoj agendi.

Delegacija Evropske unije
u Bosni i Hercegovini
Skenderija 3a, 71000 Sarajevo,
Bosna i Hercegovina

T. 00387 33 254 700
F. 00387 33 666 037

Za povratne informacije i komentare
o priči, molimo Vas kontaktirajte
Zoru Stanić iz Tima za komunikacije
putem e-maila:
zora.stanic@eeas.europa.eu